

*cælo respicit*, & de ce qu'il me donne l'esperance d'estre vn iour tout à luy. Nous arriuafmes à l'Isle la veille de S. Ignace, nous acheptafmes du bled d'Inde, nos pois nous manquaïs. Ce bled nous a conduit iufques icy, nos Sauvages n'en aians ferrez en aucun lieu, au moins ils n'en ont pris qu'une cache. Nous n'auôs guere trouué de poiffon iufques à present, nous attendons icy aujourd'huy le P. Dauoft. A Dieu mon R. P. faite[s] moy tel par vos faincts Sacrifices, qu'il faut que ie fois au lieu où vous m'enuoiez de la part de Dieu. du lac des Nipifiriniens ce 8. d'Aouft.

Si les trauaux qu'on souffre dans ces chemins affreux, où on n'a que le ciel & la terre pour hostellerie font grands, Dieu l'est encor plus; on cognoift par ces lettres que sa [242 i.e., 238] bonté ne se laisse pas vaincre. Qu'honneur & gloire luy foient renduës à iamais, dans les temps, & dans l'eternité.

Le 13. du mesme mois, Monsieur nostre Gouverneur desirant voir la residence de la Conception aux trois Riuieres, & le païs plus haut, me prit avec foy. Nous arriuafmes le 16. aux trois Riuieres, & le 18. nous trauerfames le lac S. Pierre. Le grand fleuee fainct Laurens se referrant deuant Kebec, s'eslargit derechef montant plus haut, mais vne lieuë ou deux au deffus des trois Riuieres, il s'eslargit en forte qu'il fait vn estang ou lac, si spacieux, qu'un bon œil posé au milieu, n'en voit qu'à peine les extremitez. Au haut de ce grand lac poiffonneux, on rencontre quantité de belles Isles fort agreables. Nous prîmes en allant, le costé du Sud, & au retour le costé du Nord. Nous visitafmes le fleuee des Hiroquois (ainfi nommé, pource qu'il vient de leur païs) Monsieur de Montmagny nomma la grande Isle qui correspond à